

江津縣志卷六

職官志

官制

官師

官制

明設知縣一員縣丞一員主簿二員成化中添設捕盜一員正德丙子後
裁革嘉靖九年復設典史一員儒學教諭一員訓導一員巡檢司一員五
驛各驛丞一員陰陽醫學僧會道會各一員

清設知縣一員儒學訓導一員典史一員駐防汛一員康熙二十七年復
設教諭一員雍正八年奉文增設陰陽醫學各一員僧綱道紀各一員光
緒末年設警察一員視學一員經徵一員宣統元年設勸業一員二年裁
教諭訓導暨駐防汛

江津縣志

卷六

官制

一

民國設知事一員視學一員管獄員警務長各一員警務長旋改警佐二
年設徵收局長四年設菸酒公賣局長八年設實業所長

官師

宋知縣

鄭諤治平中任吏事精明寬猛有則肇學治以飭文教舊志稱牛生雙犢
麥秀五歧足徵循良之應云

冉木字震集號仰企籍無考嘉定中除通直郎知江津縣通判長於政事
文章清暢有聲於時所云心以虛能容與夫可止可行順理而已之句多

近理學

元知縣

安文憲皇慶元年冬任謂學校係有司急務乃就先令未成之緒續而新之舊志稱其治績有聲蓋亦吏之循良者惜餘政不詳見祀名宦祠

明知縣

田子貞明州人洪武八年以儒士任知縣時亂離甫定民苦殘虐乃政尙寬平興滯補敝勸民力穡因以足食學宮經兵燹後漸圯且隘爰更而大之文教日盛生員石溫舒文江英相繼領薦爲時名宦蓋亦公興學之功云祀名宦祠

黃甫復初河南府人洪武中任爲政有方勤儉節用歿葬城後

石秦陝西人洪武間任居官廉潔歿葬城南

袁旭江西臨川縣人永樂己未進士戊戌到任廉明公勤增大縣治重新

江津縣志

卷六

官師

二

學宮政務修舉訟息民安庚子入覲代者至父老德其政相率懇留洪熙乙巳復任前後操履如一以憂去仕至太守祀名宦祠

顧達臨川監生景泰中任有善政士民慕之

宋潛廬陵舉人成化中任公勤廉幹百廢俱舉四民悅服

夏昌京山舉人弘治八年以才能調任廉慎公平吏畏民愛道不拾遺祀名宦祠

鄧達麻城人成化中任狷介不苟政暇課諸生文藝訓誨不倦一時科第鵲起後拜御史

田重器蘄水人正德中任時有巨惡害民者前令莫可如何重器置之法邑賴以安祀名宦祠

王貢公安舉人尙書襄簡公冢子嘉靖三年任守己廉介政尙嚴明逐倡優禁異端去淫祠省徭役里甲便之未三年以不善事上官更調聞報恬然仍發粟賑濟如常事竣卽歸囊篋蕭然民號泣遮道立去思碑二於通衢後移豎儀門左右祀名宦祠

周禮嘉江西彭澤進士天啟元年任時蘭酋奢崇明據重慶遣僞總兵張琛石大猷等先後圍縣與生員余江康斌等力圖戰守卒使城危而復安詳前事志

曹汝蘭江西進士天啟中任攜一僕自隨下車首問民疾苦先是邑苦催科至賣子鬻女汝蘭痛之寬其追比邑賦三萬六千有奇歲以什五解報此外催檄呵責恬如也邑人受賜稱爲慈母自奉儉約僕私市一帽值稍

江津縣志

卷六

官師

三

虧數分庭撲之歲旱公齋沐與神約三日雨果如期霑足其誠感如此祀名宦祠

梅運昌貴州安順拔貢崇禎末任賊圍重慶遣別將攻城城破不屈死之清知縣

李光綸湖廣宜都貢生順治十八年任多惠政擢遼陽知州

沈維垣遼東蔭生康熙九年任重建縣治課士愛民

王璧山西陽城副貢康熙十九年任時吳三桂將馬寶據遵義欲攻渝江合間爲吳黨何良柱截據當敵兵壓境督辦津糧犯難接濟有平亂功重建學宮陞浙江杭州同知

司百職河南通許人丙辰進士康熙二十七年任清廉愛民教養兼舉明

慎用刑取予不苟時欲議增田畝百職以非朝旨念蜀人甫離湯火令民互結稽查量土作貢以了此案遂得糧田相符民到於今受賜旋擢刑部主事

李俊福建莆田人由教習康熙三十年任

王封潑湖廣黃岡貢生禮部尙書封潑之弟康熙三十五年任發奸摘伏昭察如神案無畱牘力除走馬崗積弊永不累民斷回六單田畝復還於津戊寅夏旱禱雨立至己卯虎患猖狂作文逐之患遂息

王行恭雲南蒙自舉人康熙四十年任政尙寬厚不務操切息事寧人有長者風嘗曰人生忠孝之外無奇節忠孝無慚仁義斯在勅修武廟四載以憂歸

江津縣志

卷六

官師

四

張樹侯山西芮城人丁丑進士康熙四十四年任節儉正直寬猛相濟除奸緝盜聽訟公平杜絕私謁實心行政七載告歸清風兩袖津人頌之申尙陝西三原舉人康熙四十七年任

李長春廣東東安舉人康熙五十年任

余甸福建南平人丙戌進士康熙五十三年任居官清廉革除雜派聽斷明決公暇勤課士子作歌勸民時青海用兵年羹堯巡撫四川加正賦通私茶猶不足以餉戰士多額外急徵檄再三至甸不應乃遣內丁持印文告諭自朝至日晡甸不出使者譁甸立坐堂皇命反接眾相視莫敢動甸震怒乃共推曳伏之地投六籤丞尉皆曲踞爲請須臾士民集堂下者數千人耆老數十升堂以身蔽使者哀告曰公何難棄一官但我民自今無

怙恃也望哀赤子無依寬使者法久之乃命釋縛羈候越日使者介眾索原文旬日還報大人我無子閉門待劾原文已間道付二三執友矣遠近驚駭旬月聲振京師羹堯曰此民所戴也斥之傷眾心不去百姓玩令會行取遂以旬應入爲吏部主事民遮道泣送爲立去思碑於儀門
馬蕃河南濬縣歲貢康熙五十五年任持政不阿聽斷明敏勸民濬治塘堰以軍需故不善上官卸任後貧不能歸邑人醵金助之建去思碑
劉師向江南寶應舉人康熙五十八年任
馬永圖直隸東光歲貢康熙六十一年任
千殊河南武陟人壬辰進士雍正三年任居心仁恕政尙和平剔除弊竇革免雜役因事降調邑人思之

江津縣志

卷六

官師

五

江元江西新城舉人雍正七年任

王朝選貴州開泰舉人雍正七年任清潔仁恕聽訟敏決廉明有聲苞苴路絕培補學宮修理壇墀催科有期不煩不擾勸農課士類皆實心行政不務虛名五年以艱去士民攀留不獲

姜毓貴州清鎮進士雍正十二年任

李德翰山西高平歲貢膺賢良保舉雍正十三年任值歲饑捐俸設賑全活甚眾

林穀福建莆田舉人乾隆元年任

官殿對江蘇泰州監生乾隆三年任

楊純伯江蘇高淳舉人乾隆六年任愛民課士勸修書院士林賴之

胡觀海湖北孝感拔貢乾隆七年任

彭維銘湖南茶陵舉人乾隆七年任潔己恤民屢決疑獄勸課農工實心造士補修書院延師訓誨十三年奉委差辦楠木十四年復任十九年陞巴州知州

張致和江蘇長州監生乾隆十三年任被參

周方熾江西南城進士乾隆十九年任整飭吏治加意惠民是年被參

馬錦昌順天宛平舉人乾隆十九年任

王鈞直隸肅寧拔貢乾隆十九年任

王政義貴州貴定進士乾隆十九年任折獄明允課士殷勤催科不擾盜賊斂迹調署涪州

江津縣志

卷六

官師

六

郎嘉卿山西代州監生乾隆二十一年任

李元本順天大興舉人乾隆二十二年任後以憂去

侯筠順天良鄉舉人乾隆二十四年任

袁錫夔江蘇六合進士乾隆二十四年任署任一年勤於政事審訊明敏雅愛士民咸感頌之

李永泰山西繁峙拔貢乾隆二十五年三月任九月被參侯筠再署

李江廣東嘉應進士乾隆二十六年任居心仁厚勤於吏治二十八年被參

鄧夢琴江西浮梁進士乾隆二十八年任兩署縣事聽斷明摘奸伏津民懷畏

黃正澄江西新建舉人乾隆二十九年六月任七月病故鄧夢琴再署

牟岱山東棲霞舉人乾隆三十年任

鄧瑛順天宛平舉人乾隆三十年任

曾受一字正萬廣東東安舉人乾隆三十年任名儒循吏合而爲一詳典禮志曾公祠記并祀遺愛祠有詩歌數章人傳誦之

勸農歌驚蟄穀雨動春雷至尊秉耒首三推更逢布穀聲聲催不及時耕何爲哉不及時耕何爲哉 嘉種年年含寶胎滿田新水已潌洄豐歉只爭先後栽不及時種何爲哉不及時種何爲哉 趁苗穉時把根培踏草入泥附禾芟草死苗茂穗如臺不及時耘何爲哉不及時耘何爲哉 離離穀實有年猜員困方廩百室開惟禽其饗實可哀不及時

江津縣志

卷六

官師

七

收何爲哉不及時收何爲哉 往日蓬蒿變麥稌山巔水際儘人開高下總堪栽不多墾闢何爲哉不多墾闢何爲哉 周家糞種起有邠秦人殷富禁棄灰臭腐忽成禾米堆不多積糞何爲哉不多積糞何爲哉 憫農歌帶雲犁耕帶雨鋤泥塗終日染眉鬚伊誰刻木作耕夫農家之苦苦何如三伏火發汗流裾 貧人種得富人儲五月糶穀自如蔬終歲勤動食無餘農家之苦苦何如剜肉醫瘡話不虛 慰農歌課雨占晴術不疎歲歲有年入史書迎貓迎虎譁歲除田家之樂樂何如吹邠飲蜡續古初 共安作息遊康衢桑麻雞犬遶田廬含哺鼓腹自遽遽田家之樂樂何如耕食鑿飲入華胥 勸學百韻示几江書院諸生鼎山碑兀位南郭遠來播域雄東蜀岷江迢迢此際會灣環似几

流津澳山水清奇鍾偉人歷數前賢難更僕明季兵燹邑凋殘學舍陵
遲茂草鞠藏修無地士零星家自爲師人自學前令楊君勅書院齋居
頻修猶嫌促邇來生徒漸莫容爲建前廳規式廓從此精舍益恢宏歲
延名師以課讀英才濟濟聚此間希風武夷與嶽麓以上叙江書院建國君
民教學先須教之由遞陳告稟氣賦質天地間儼然爲人殊物畜思人
如何異於物辨在幾希爭微邈能全其性是爲人不能全者物之屬全
與不全只此心君子存之躋聖域人心惟危道心微出入人禽在忽倏
必精以察一以守危者斯安微斯矚矚從日以上言學在存人理揭出心法三代立學爲
明倫忠君孝親臣子鵠忠臣還出孝子門非孝無親罪莫贖事君不忠
友不信角弓翩反輿脫輶內外彝倫稍不敦總爲不孝貽親辱所以曾

江津縣志

卷六

官師

八

子述孝經至德要道首顯暴立愛惟親敬惟長平章協和基親睦親親
以次及仁民次及於物序無瀆以上言學在明人倫側重孝道古人爲學因求道道之
精英聚經六畫卦繫彖始義文周公孔子爻象煜天時人事備於易觀
其彖辭理可得都木切疏通知遠有尙書古文今文分孔伏二帝三王守

一中開卷欽明傳心夙四始六義可與觀溫柔敦厚性以淑一字褒貶
嚴春秋筆削焉能贊言卜恭儉莊敬禮之教廣博易良是惟樂若論六
經之指要四子書中包孕足經書之外有子史亦道支派可揚摧六經
四書互相註旁通子史事理矚矚從目以上言道在六經四書須細研求休將典籍日埋頭
道在兩間尤明較古岳切舉眼魚躍而鳶飛上天下淵何潑活春庭芳草
綠滿窗夏日薰風來琴曲秋月萬籟涵虛清冬夜高歌雪圍屋四時樂

趣正無窮不在陳編與敗牘拋卻書冊去尋春達者於斯有感觸春風

沂水愜聖情只為襟期遠塵俗以上言道在天地時物須有會悟論學首須志趣堅德

勝氣質功在熟舜也何人予何人有為若是胡退縮鍼膏發痼生死關

不經瞑眩藥空服凡事悠悠必無成何況求道志不篤以上言求道在篤志大抵

進學在致知精研物理窮卷軸積累功深倏通貫何殊寐者之忽覺覺

後頭頭皆是道在坑滿坑谷滿谷殊途百慮歸於一一散為萬精元出

以上言下手工夫在窮理若論涵養須用敬敬無私曲內以直切廚玉物欲交攻緣忘

肆敬立百邪盡擯逐內主於一意無他外極整齊而嚴肅收斂之至物

不容心常惺惺如火熯若有間斷功猶疎終日乾乾道反復馴至不顯

而篤恭天地位兮萬物育以上言主腦工夫在持敬至於文者道之華文不載道同

江津縣志

卷六

官師

九

虛穀篤其實而藝書之斯愛斯傳光郁郁諸經實為取道原旁推交通

參左國太史著潔離騷幽欲厲其氣資公穀讀破萬卷筆有神風行水

面生綺縠恢之愈廣按愈深孔思周情通落穆彌於中兮彪於外玩之

紆餘而卓犖以上言文在取道六經參之子史一自軻死久失傳列聖心源誰嗣續異

端雜學遞爭鳴茫茫宇宙何慘黷擇不精兮語不詳荀授李斯揚投閣

獨有昌黎原道篇曾致丁寧而反覆統絕千年迄有宋周程張朱揚軌

躅太極西銘與定性經註諸書史綱目斯道炳然如日星服膺其中得

把握以上言道統久失傳至宋乃復修明堪笑俗學昧本源訓詁詞章競逐角地僻更苦

無藏書兔園挾冊陋村塾傳道解惑如無人慧質難成矧庸碌談名談

利錮蔽深夜氣都為旦晝枯諸生肄業院庭中務將此心先灑濯此心

乃為學根本一意嚮道屏嗜欲心如有主物退聽方寸清明理可燭嗜
慾深時天機淺宇宙甚寬自踏局人欲波濤真浩渺認取沙頭登岸陸
操存嚴密私不侵遏制萌芽惟慎獨以上言心為學本不可為物欲所沮志意高遠勿卑
凡利名韁鎖脫羈束與天為徒吟風月與古為徒薄季叔志高須知心
貴下謙謙君子自卑牧投之不見其滿盈望若無能自粥粥矢志要高曠居心要
謙抑麗澤交潤講習功同心斷金似蘭馥以文會友友輔仁勸善規過相
糾督外取資於友謹言慎行凜樞機澡身浴德比美玉賦詩務力追風雅為
文須自出機軸溫潤密栗渾無瑕精細之功在磨琢席上珍藏以待聘
切勿求售自衒鬻內自密其功學問由來貴有本混混不舍歸海壑勿助勿
忘循節度江河浸灌膏澤沃明誠兩途須並致敬義夾持達天德都木切

江津縣志

卷六

官師

十

博約功深真積久曾之唯兮顏之卓統括全功積久有得儒冠儒服非苟然無學
無守生慙慙劉歆孔光與安石儒術不端流禍毒迂疎殷浩徒書空處
士虛聲非世福戒為偽儒勉為真儒我朝文治喜覃敷壽考作人同棧樸多士家
修期廷獻明體達用勳垂竹稷契夔龍豈異人聯翩鵲起繼其朔出為
名臣處名儒殷勤為爾諸生勗

阮樹貴州畢節拔貢乾隆三十三年任課士愛民廉明有聲三十四年陞
任雅安

蔣兆奎陝西渭南進士乾隆三十四年任潔己奉公聽斷明決後陞山西
巡撫漕運總督

趙杭浙江錢塘人辛巳進士乾隆三十五年任循謹愛民民安其政充庚

寅鄉試同考官頗稱得人

吳淳齡貴州畢節舉人乾隆三十六年任釐奸剔弊聽斷嚴明
時祖濂山東濟寧州副榜乾隆三十七年任

高瑛鑲黃旗漢軍由貢生捐縣丞乾隆三十八年任

周鳳儀湖南長沙舉人乾隆三十八年任居心仁恕聽斷公平增修文廟
課士愛民四十一年以終養去祀遺愛祠

朱藩江西安福增生乾隆三十九年任

懷誠鑲黃旗滿州人由生員捐筆帖式乾隆四十一年任

齊式鑲黃旗滿州舉人乾隆四十二年任

劉炳鑲白旗漢軍乾隆四十三年任居心仁慈臨民敬慎戊戌歲饑捐設

江津縣志

卷六

官師

十一

糜粥賑救飢民并勸三里士商就近捐賑全活無數津民德之

高芝鑲黃旗漢軍監生乾隆四十六年任

高塘直隸南和舉人乾隆四十七年任

潘邦和浙江仁和附監生乾隆四十九年任寬以愛民勤於課士

徐宗仁江蘇金山舉人乾隆五十年任

涂長發江蘇江寧舉人乾隆五十四年任公正廉潔凡事不爲己甚後陞

眉州

朱泰茹浙江海寧舉人乾隆五十九年任

張天祿順天大興監生乾隆六十年任

程見龍貴州貴筑舉人乾隆六十年任署任兩月聽決嚴明訟獄頓息

余鈺江蘇武進人由供事捐縣丞乾隆六十年任

鍾翔鵬江西安遠拔貢乾隆六十年任

林喬蔭福建侯官舉人嘉慶五年任敦士習重農桑值歲歉艱食設廠城中捐廉煮粥就食者日千餘人又於四鄉勸士民散賑全活甚多以勞卒官四民爲之醵金護其眷屬以歸有勸農詩四首

詩云醉斟邨醞唱秧歌最是農家樂事多聖主祇今崇漢治勉旃孝弟

力田科 去年春旱插秧遲今歲如膏雨應期預製迎神送神曲靈星

報賽有新詞

時修龍神祠甫竣

遠聽粥鼓赴嗟來鳩鵲情形實可哀誰是指

困先種德丹青爲爾狀靈臺 長官負郭久無田一硯耘鋤三十年比似耕夫粗識字放衙自寫楚茨篇

江津縣志

卷六

官師

十二

李培峒雲南阿迷州舉人嘉慶六年任

徐鼎浙江會稽監生由議敘候補直隸州知州嘉慶七年任勤政愛民斷獄每勸民和睦懲奸改悔卽止未嘗峻刑然胥役無敢玩法去之日民醵金以贖卻不受眾皆泣下乃受之刊史學提要一書藏之書院以示學者

續修邑志

李廷勳貴州思南府舉人嘉慶九年任

陳存衡福建侯官舉人嘉慶十二年任

黎憲廣東東莞舉人嘉慶十二年任

李嘉祐廣西臨桂進士嘉慶十二年任

徐淳瑞陝西長安進士嘉慶十五年任

王椿源山西靈石人由監生捐知縣嘉慶十五年任在任一月操守清潔因病辭歸時思里漢東驛鹽梟楊二黨羽多人橫行鄉里莫敢誰何潛訪弋獲按律究遣民皆便之

吳棻安徽涇縣監生嘉慶十五年任

王衍慶山東聊城舉人嘉慶十六年任性剛介不阿豪貴無敢干以私在任興利除害不邀功不病民後調成都陞福建興化知府

李寶曾江蘇通州舉人嘉慶十六年任增修邑志

楊道南福建閩縣舉人嘉慶二十一年任

李光謙直隸任邱舉人嘉慶二十三年由榮昌調任操守廉潔剔除陋弊一毫不以擾民民亦幾忘其德矣

江津縣志

卷六

官師

十三

宋維垣江西南昌進士嘉慶二十四年署在任二載聽斷敏慎邑無冤民

王文炳陝西郃縣舉人嘉慶二十五年任

張如海浙江錢塘舉人道光二年任

朱鼎臣廣西臨桂舉人道光三年任

楊得質甘肅靖遠舉人道光四年任

陳叙頌湖南衡山人道光四年任勅修考棚士民感之

吳貽穀江蘇長洲舉人道光六年任

朱琦順天宛平進士道光九年署居心仁恕處事明決改建書院以惠士林懲治刁訟盜賊屏迹

郭彬圖福建閩縣人壬午進士道光十年調任性嚴毅聰察負折獄才書

吏差役奉法維謹增置書院膏火改修養濟院添設孤貧口糧皆有造於地方後陞天全州知州移疾去祀遺愛祠

彭瑛河南夏邑舉人道光十二年任

宋灝廣西化縣舉人道光十三年任

特克興額滿州正紅旗進士道光十五年任

濮瑗江蘇溧水進士道光十七年任聽訟敏決除巨盜多人民賴以安

張其仁雲南太和進士道光十九年任

段榮恩雲南安寧州進士道光二十二年署

廖應旗江西撫州舉人道光二十三年任

沈廷貴安徽蕪湖拔貢道光二十四年任

江津縣志

卷六

官師

十四

洪瞻陞浙江臨海舉人道光二十七年任

徐賡昌奉天復州優貢道光二十八年任

金旃滿州舉人道光三十年任

孫濂貴州貴筑人庚子進士咸豐元年任愛民課士出以真誠時稱良吏

程祖潤河南祥符進士咸豐三年任補修城垣製造軍器會剿除囑匪羅

五等百餘人祀遺愛祠

李玉臺甘肅狄道州舉人咸豐四年任

張秉堃貴州貴筑進士咸豐六年任勅立三費局初邑中命盜重案相驗

有費緝捕有費招解有費皆責之地主地主不堪累則寧棄其地而走秉

堃始捐廉倡募置買田產作專款自是費歸公家而不累民便之其規

畫一切詳定章程則出其賢幕沈西亭之力爲多秉堃祀遺愛祠津人卽於其誕日正月十日相率致祭以沈配焉

馮紹俊浙江山陰監生成豐七年任

劉齊衢福建閩縣進士咸豐八年任督辦防堵積勞成疾卒於署士民哀之爲豎主附祀曾公祠并祀遺愛祠

談廷棫江蘇武進監生成豐十年任

趙綬銘浙江歸安監生成豐十一年任

賀洪熙湖南湘鄉舉人同治元年任

吳培棠陝西咸陽附貢生同治二年任

宋恒山直隸靜海舉人同治四年任

江津縣志

卷六

官師

五

周易奎湖南永明拔貢同治五年任

施蓉昌江蘇上元優貢同治六年任

程祥棟江蘇泰州廩貢生同治七年任始設賦課士類多所培植

周瀚湖北荊門州拔貢同治九年任

陳枝蓮湖北東湖舉人同治十二年任

國璋鑲白旗蒙古京旗賡良佐領下監生同治十二年任三署縣事精幹明決疾惡如仇一時訟棍斂迹有能吏之稱懲辦差役梅魁充租田百餘石作聚奎几水兩書院膏火又捐廉八百餘金置仰天窩田業設課厚獎寒畯士林感之稱國公課祀遺愛祠

王煌山西榮河舉人同治十一年任光緒元年回任六年國璋再任

陸葆德直隸進士翰林院庶吉士光緒八年任卒於署

王宮午河南祥符進士光緒八年任

茅晟熙山東歷城舉人光緒十一年任

張繼甘肅隴西人丙子進士翰林院庶吉士光緒十二年任性勤明盡心民事日設小棹於堂側坐收呈詞隨收隨問屈者置不理下情易於上達衙役積弊一時減輕人民好訟之風亦因是稍息甫到任適義卷停止繼力圖恢復嘉惠士林祀遺愛祠

錢璋安徽人光緒十四年任

何鍾相貴州遵義人甲戌進士光緒十四年任十六年卒於署

趙湘安徽桐城監生光緒十六年任十七年國璋再任

江津縣志

卷六

官師

六

朱錫蕃安徽休寧人丁丑進士翰林院庶吉士光緒十八年任

周慶壬廣西人光緒二十三年任

周學銘安徽建德進士翰林院庶吉士光緒二十四年任存心忠厚折獄公平政教兼施勤於課士是歲霍災白沙鎮被難尤慘學銘捐廉數百金提倡賑濟時大足余棟臣因仇教作亂命唐翠屏率黨竄游溪全城驚恐學銘布置靜以待之賊畏而去未幾其黨何師夷又竄入十都太平石蟆等場學銘率民團追勦何被擒事遂定祀遺愛祠

繆延祺順天大興監生光緒二十五年任

周吉云湖南附貢光緒二十六年任

葉桂年浙江仁和監生光緒二十六年任

陳錫鬯江西新城監生光緒二十八年任

武文源山東德州附貢光緒二十八年任

蔡承雲安徽合肥舉人光緒二十九年任開辦縣立中小學校又同鄧鶴翔夏風薰親往各鎮鄉酌提神金廟款成立初等小學百餘校時人稱之龔寶琅湖北舉人光緒三十一年任

楊承恩江蘇江寧廩貢光緒三十二年任

李寅生安徽當塗優貢光緒三十三年任

宋嘉俊雲南晉寧州人戊戌進士光緒三十四年任性慈仁居官勤慎對於訴訟尤盡心如兩造曲直未得真象挑燈閱卷必確有把握乃止平反冤獄不少審訊時語語出於至誠刁狡之人多為所感民國改元後又兩

江津縣志

卷六

官師

十七

署縣事猶是本來面目生祀遺愛祠

王仁煦順天宛平監生宣統元年任奉令開辦巡警教練所又同時成立自治研究所

廷繼鑲白旗蒙古蔭生宣統二年任

吳良桐雲南大關廳舉人宣統二年任順從民意俾江津一隅得首先反正亦識時之俊傑也

民國知事

陳宗瀚遂寧人元年任勵精圖治積勞成疾卒於署邑人撥公款厚賻之時霖銅梁人元年任

楊家翰蓬溪人二年任以熊楊之役去職羅純彥瀘縣人宋嘉俊趙雲衢榮昌

人相繼代理均不久去任

龍鑄人成都優貢二年任時吾邑兩經變亂伏莽縱橫當道不惜人民復強提各鎮鄉舊有槍枝以厚勢力到任後即將詳情呈明當道槍枝始獲保全又謂非切實辦團不能除匪劃縣屬各地爲五路設五分會各舉會長實行聯合未嘗借官兵之力所誅匪黨不下數百人巨匪如王財神景蓮圃等均先後正法匪風頓息其辦匪也如團甲失主能具切結卽予懲治并不瞻循貽害地方至民國十年始漸有股匪發現四年五月宋嘉俊再任

冷載陽樂山人五年十月任六年十月王祁昌代理十一月劉楨柱代理熊其光綿竹人六年十二月任

江津縣志

卷六

官師

十八

聶述文貴州修文庠生八年一月任邑人劉澤嘉有文紀其事

事略云歐戰旣和之年津人私立王聶長生會嘉功也王名天培黔人以團長駐津有威愛聶述文明府與王同鄉民國八年宰吾津津地廣縱橫五百餘里溪澗凹錯林莽深黑山嶺重疊匪徒常出沒焉鴟張跳梁所在糜爛環津界巴壁綦永各縣皆疏於練團盜賊如毛此攻彼竄號難治津又殘破之後火器喪失匪窺其虛則乘之捉肥氣張甚聶曰是不可以不治津民團分四路舊有聯合會自戊午軍事生團防大潰則恢復之先在城集各鎮鄉籌辦法鑄礮火選壯丁課之以日程申之以訓討董之以賞罰而團事麤舉矣其尤彰彰者則與王團長攜手大舉清鄉嘉嘗見今之長官非不知捕匪鋤暴以安良也顧無拳無勇則

亦咨嗟太息而無可如何豈無駐防軍惟聽其劫掠燒殺如秦人視越不通匪分肥暴民侮官亦大幸矣更安敢奢望其大有造於地方哉不肖官吏無論矣其賢者坐衙仰屋不敢越雷池一步以自送死遇盜賊則鼠退見兵革則心惕亦何怪其然則軍民分治蓋難言之江津獨匪清而民安津人既多王之能治軍愛民而尤多聶之能交驩於王以有此效也聶之清鄉也先後兩月所至露立演說謂兵者時來時去不可恃可恃者獨土著之鄉勇鄉勇亦不可盡恃可恃者眾志成城耳且共和國民人人當服兵奈何自弱授人以隙身家計何聽者思奮金匪者其黨稱之老鐵富於械爲擊潰之獲十餘人槍十餘枝金竄黔不敢出匪膽落是年冬無劫案又於邑之西北路捕假名招安軍三十餘人先

江津縣志

卷六

官師

十九

是假軍逼提團槍團民大譁顧末如何聶偕團長卽行營計擒之立斃之而後卽安其最快人心者則有劉七之役劉七者匪魁也嘗劫麻柳場鄉軍礮火殺十人扶傷積屍事後匿渝中一德鎮團局施紹康隊長張巨才思雪恨聶則商之團長備文渝軍守城者寬其出入明通暗緝卒擒之於江北彈子石并黨十餘人槍十餘枝津人乃謹入門人聲馬聲爆竹聲不絕積年逋匪一旦誅滅夜眠稍稍貼席焉聶宦津二年可稱者如此津人口祝之殆非無由要亦有苦心焉孟子曰飢者易爲食黃英榮縣舉人九年十月任

何瑛江蘇人十年三月任

謝育周仁壽人十年七月任性坦白熱心團務能知民間疾苦正清鄉在

外以籌款不力去職未獲成功

文良濟江安人十年十一月任

余滌華富順人十一年一月任十二月陶鈺代理十四日

廖世英成都舉人十一年十二月任

按清高宗欲盡去天下州縣悉補以筆帖式劉統勳曰州縣治百姓者也當以會為百姓者為之旨哉斯言使行高宗之意官其荒矣民其困矣清祚愈促夫郎官出宰百里上應列星苟非其人民受其害清制之善在嚴定資格使人無越思其失在防弊太深調用他省人員風土民情既不熟悉又歲滿則去不肖者不見過而賢者不見功其勢然也今則破除省界矣且定由民選一洗拘閔之習惟漫無資格貪以苟獲如漁如獵易曰君子以辨上下定民志慎子曰兔走於街百人逐之貪心俱存積兔在市過而不顧分定之後雖鄙不爭

江津縣志

卷六

官師

三

明教諭

方嵩 舉人永樂中任教人倦造士良多

鄧達 舉人正統中任才德兼優善於訓誨後陞御史僉祀名宦祠

劉季楨 太和舉人成化十一年任心術正大學行優長士林被澤

盧朝棟 赤水人萬歷中任剛方正直不避權貴勤於考課諸生有貧不能婚者嘗捐俸俵助有冤抑不能上達者力為白之士林愛服祀名

祠宦

清教諭 清初裁缺康熙二十七年復設

鄭秉桓 瀘州舉人康熙三十三年任

王捷 峩眉舉人康熙四十一年任

戴琦 遵義府遵義縣拔貢康熙五十九年任

黃以衮 內江副榜雍正五年任正已率物教人以善勸修學署訓課不

之講學授徒孜孜靡倦性篤孝在任八年以終養辭職

何璋 劍州副榜乾隆二十一年任端方樸誠不事干謁力振紀綱士林賴

周鉞 洪雅副榜乾隆七年任

王澍 樂山舉人乾隆十九年任

馮迺 鄆都副榜乾隆三十年任

李淳 達州舉人乾隆四十三年任

王崑 合江廩生乾隆四十三年任

馬士偉 瀘州拔貢乾隆四十四年任

楊泂 射洪舉人乾隆五十三年任

張顯純 彭水恩貢乾隆五十四年任

朱正光 成都恩貢乾隆五十九年任

丁廷英 巴州拔貢乾隆六十年任

高樹昇 達州貢生嘉慶六年任

劉果茂 渠縣貢生嘉慶六年任

高諤 邛州舉人嘉慶七年任

岳懋采 新津拔貢道光二年任

沈于岱 大寧歲貢道光十七年任

郭玉瑩 隆昌廩貢道光十七年任

譚光廷 瀘州廩貢道光二十五年任

江津縣志

卷六

官師

三

鍾汝雲 安縣廩貢道光二十九年任

楊煥南 溫江廩生道光三十年任

張熙怡 金堂貢生咸豐二年任

雷秉陽 峩眉舉人咸豐二年任光緒六年再任

黃焯 犍為舉人咸豐二年任

袁吉 汶川拔貢同治元年任

向炳奎 新繁附生同治二年任

周允新 慶符舉人同治三年任

李登元 雅安廩生光緒九年任卒於署

周道溥 成都附生光緒十二年任

文漸達 瀘州增生光緒二十五年任

聶炳馨 屏山拔貢光緒二十七年任

楊裕勳 忠州廩貢光緒二十八年任兼攝訓導年餘

崔映棠 綿州廩貢光緒二十九年任時清廷改科目為學校映棠熱心

贊助曾任師範傳習所監督高等小學
校教員學務調查員宣統二年回籍

明訓導

楊彥 成都金堂人先姓陳氏名智潮元末偕兄智寶避地來津依楊翁者居翁見有學行妻以姊遂因其姓洪武初以明經薦為本縣儒學訓

導明太宗即位召至京以疾辭賜五經
大全列女傳以舊職致仕祀名宦祠

清訓導

魯奇偉 大邑貢生
康熙任

羅焄 金堂貢生
康熙任

李侯鄴 夾江貢生
康熙二十八年任

馮堯 雲陽貢生
康熙四十七年任

焦之任 成都府歲貢
康熙五十七年任

王季復 慶符歲貢
雍正七年任

陳彌六 南江歲貢
雍正十年任
勤理學務補修文廟

張仕現 鄰水歲貢
乾隆七年任

張汝翼 犍為歲貢
乾隆十二年任

李斯實 蒲江歲貢
乾隆十八年任

何秉直 南江歲貢
乾隆十九年任

段兆隆 簡州歲貢
乾隆二十年任

尹順琮 崇寧歲貢
乾隆二十二年任

董順昌 彭水歲貢
乾隆三十六年任

李玫 眉州歲貢
乾隆四十一年任

鄧在珩 南部拔貢
乾隆四十二年任

江津縣志

卷六

官師

三

龍賓鴻 越巂廳歲貢
乾隆四十三年任

雷元福 瀘州舉人
乾隆四十四年任

陳映 富順歲貢
乾隆四十四年任

牟豐豫 漢州舉人
乾隆四十四年任

張懋泰 南溪歲貢
乾隆五十年任

蒲鍾湄 南部歲貢
乾隆五十六年任

曾習傳 巴縣廩貢
乾隆六十年任

羅明 平武貢生
嘉慶三年任

朱勝敬 敘永廳舉人
嘉慶四年任

宋再衡 丹稜歲貢
嘉慶四年任

黎國燦 汶川廩生
嘉慶六年任

高承儒 遂寧舉人
嘉慶七年任

王之愷 三台歲貢
嘉慶二十一年任

徐步高 新繁歲貢
道光四年任

葉宗峩 成都拔貢
道光七年任

王盥 郫縣廩貢
道光十一年任

瞿敬止 丹稜舉人
道光十一年任

盛大鏞 郫縣貢生
豐四年任

劉培顥 遂寧附貢
咸豐六年任

陳桂義 蒲江拔貢
咸豐七年任

張玉屏 資州廩貢咸 八年任

陳謹箴 華陽優貢咸 九年任

吳泰來 九姓附生同 治二年任

楊倣仁 彭縣廩生同 治三年任

張選青 漢州舉人同 治四年任

鄭端 夾江舉人光 緒四年任

王天祐 南部拔貢光 緒十八年任

林秋元 萬縣歲貢光 緒二十一年任

孫湛 成都增生光 緒二十八年任

劉寅 新都附生光 緒三十年任

張載陽 梓潼歲貢光 緒三十一年任

清視學

鄧鶴丹 邑人光緒三十三年任 改學務局為勸學所 一切 佈置井井有條 竭力提倡 添設初等小學校 甚多

冉獻琛 邑人宣統二年任 辦乙種農業學校

民國視學

江津縣志

卷六

官師

三

邱鴻翔 邑人元年任 實心規畫 於育才聚奎兩高小學校 外添設各鎮鄉 高小十餘校 又勸辦女子師範 十年再任 勸辦女子高小 校師範 各一 講習所

聶雲龍 邑人三年任 奉 文獨立學款

羅元錕 邑人五 年任

劉策 邑人六 年任

楊琦 秀山人 六年任

郭澤浦 隆昌人 九年任

李成章 邑人十 一年任

清駐防 汛 乾隆十六年 以前俱無攷

王宣猷 巴縣人 乾隆 十七年任

梁材 湖廣人 乾隆 二十一年任

王世先 巴縣人 乾隆 二十二年任

馬世奇 巴縣人 乾隆 二十二年任

蕭湘 巴縣人 乾隆 二十五年任

王得貴 成都人 乾隆 二十七年任

楊彪 夔府人 乾隆 二十八年任

蕭奇 巴縣人 乾隆 三十一年任

張文遇 成都人 乾隆三十二年任

岳虎 忠州人 乾隆三十四年任

岳林 成都人 乾隆四十二年任

李芳棠 成都人 嘉慶七年任

馬駿猷 閬中人 嘉慶十六年任 十七年 閬中後卷多朽壞難查故有闕漏

張本成 道光十一年任

湯聯陞 道光十五年任

唐瑄 道光六年任

周燕昭 道光二十二年任

朱榮魁 道光二十七年任

譚健 道光三十一年任

陀清瑞 道光二十三年任 二十七年 三十年復任

陳琅 咸豐五年任

譚報國 咸豐六年任 八年復任

萬全 咸豐七年任 九年復任

李洪才 咸豐十年任

徐忠鈺 同治元年任

張文安 同治二年任

吳廷斌 同治三年任

江津縣志

卷六

官師

三

孫之彥 同治四年任

鄧廷芳 同治八年任

馬鳴皋 同治九年任

劉樸 同治十年任

馬楞 同治五年任 十一年復任

夏雲青 光緒八年任

戴慶藻 光緒十年任

鄭恒之 光緒十一年任

白煥章 光緒十二年任

丁輔臣 光緒十五年任

何源 光緒十六年任

周瑞楨 光緒二十年任

鄢炳信 光緒二十一年任

杜祖春 光緒二十五年任

李經明 光緒二十八年任

翁鴻勛 光緒三十年任

周國昌 光緒三十一年任

宣統二年奉文裁缺

清典史

徐奇 浙江紹興人 康熙九年任

劉應瑞 江南池州府人 康熙十八年任

朱茂謙 浙江山陰人 康熙二十四年任

張鶴 順天大興人 康熙二十四年任

李宣 浙江會稽人 康熙四十一年任

郭振猷 北直人 康熙五十年任

朱世雄 順天大興人 康熙五十七年任

錢起政 順天大興人 雍正六年任

沈景 順天宛平人 雍正八年任

金大成 浙江山陰人 雍正十年任

張墳 浙江蕭山人 乾隆七年任

繆文榮 浙江蕭山人 乾隆七年任

王梅祚 順天宛平人 乾隆十一年任

朱還先 順天宛平人 乾隆十九年任

張廷一 浙江山陰人 乾隆十九年任

莫家驤 順天宛平人 乾隆二十一年任

章炎 順天宛平人 乾隆二十三年任

張維元 浙江山陰人 乾隆二十四年任

江津縣志

卷六

官師

姜

周思義 浙江會稽人 乾隆二十九年任

倪霖 浙江仁和人 乾隆三十二年任

陶揆 浙江山陰人 乾隆三十三年任

胡順鎔 浙江山陰人 乾隆三十五年任

黃樞 浙江仁和人 乾隆三十六年任

吳烈 浙江山陰人 乾隆三十八年任

弓氏 鄭州人 乾隆四十年任

劉駿福 大荔人 乾隆四十一年任

凌學禮 上海人 乾隆四十二年任

耿素政 陵縣人 乾隆四十四年任

王居敬 順天大興人 乾隆四十五年任

趙遐齡 大興人 乾隆四十六年任

林邦幹 宛平人 乾隆五十年任

張師範 陽湖人 乾隆五十一年任

蘇衡璣 石埭人 乾隆五十二年任

黃新煥 江陵人 乾隆五十六年任

吳儀 大興人 乾隆五十六年任

夏麟書 邵縣人 乾隆五十七年任

謝維良 會稽人 乾隆五十九年任

楊炳文 宛平人 乾隆六十年任 從征教匪遇害

徐柱 陽湖人嘉慶三年任

紀咸熙 烏程人嘉慶八年任

李英 金谿人嘉慶九年任

宋廷珍 山陰人嘉慶十五年任

張華國 貴州清平人嘉慶十六年任

高蔭穀 安徽貴池人嘉慶二十二年任

李沅 順天大興人嘉慶二十五年任

王汝弼 陝西岐山人道光八年任

高銰 漢軍鑲黃旗人道光十一年任

莊逢慶 江蘇武進人道光十三年任

丁楹 直隸清宛人道光二十年任

朱自法 陝西富平人道光二十三年任

江先志 福建侯官人咸豐四年任

鄧大坪 陝西渭南人咸豐五年任

葉汝樸 浙江錢塘人咸豐六年任

王承華 江蘇華亭人咸豐七年任

趙樹棠 浙江紹興人咸豐八年任

姚景華 甘肅平羅人咸豐九年任

鄭思源 江西金谿人咸豐十年任

錢淮 浙江仁和人咸豐十一年任

江津縣志

卷六

官師

美

洪景賢 湖北黃岡人同治三年任

陳經 順天大興人同治五年任

錢慶暹 江蘇元和人同治五年任

李光奎 順天宛平人同治六年任

寸聯級 雲南鶴慶人同治八年任

胡紹昌 安徽涇縣人同治十一年任

羅振漢 湖南鄱縣人同治十二年任
任禁宰殺捕盜賊甚力

萬金樞 河南祥符人同治十三年任

吳春炳 浙江錢塘人光緒元年任

李承蓮 浙江烏程人光緒二年任

梁勝項 雲南易門人光緒十八年任

孫廷榮 浙江山陰人光緒十九年任
二十二年復任

蕭元昆 貴州貴陽人光緒二十五年任

王啟蕃 湖南善化人光緒二十六年任

李桂衡 浙江會稽人光緒二十七年任

周炳 浙江山陰人光緒二十八年任

賀良成 湖北孝感人光緒二十九年任

顧承恩 順天大興人光緒三十三年任

貴成 旗人光緒三十四年任

繼志 旗人宣統元年任

臧國鈞 江南上元人 宣統三年任

民國管獄員

蹇子元 邑人元年 二月任

魏其吉 瀘縣人元 年六月任

李廷邃 新江烏程人 二年二月任

屈厚諼 綦江人三 年三月任

陳萃英 貴州新縣人 四年五月任

卜維藩 成都人六 年七月任

童澤咸 巴縣人七 年三月任

李連城 貴州貴陽人 七年十月任

陳嶽 邑人九年 三月任

周樹棠 邑人九年 十月任

李壽由 新繁人九年 十一月任

萬祖章 新都人十 年二月任

放本恭 隆昌人十 年八月任

蔣泰瞻 邑人十一 年一月任

清經徵分局委員 光緒三十四年設合縣收糧契酒 紳收肉油糖礦各稅歸併管理

江津縣志

卷六

官師

七

善恩 滿州成都駐防舉人光 緒三十四年十月任

吳茂林 浙江人宣統 二年十月任

民國徵收局長 元年應解正雜各稅紳收官解二 年十月沿清制設局易名徵收

夏風薰 邑人二年 十月任

陶貢伯 雲陽人四 年一月任

楊幹之 貴州人四 年四月任

盧得夫 巴縣人四 年六月任

王芝伯 湖北人四 年十月任

唐在藩 璧山人五 年七月任

何伯達 雲南人五年 十一月任

沈子剛 成都人六 年二月任

趙臨春 成都人六 年六月任

李繼庚 邑人六年 十二月任

袁岐欽 鄰水人七 年五月任

張朗霄 貴州人七 年十月任

張尙羣 貴州人八 年七月任

廖澤 璧山人九 年十月任

吳國琦 邑人十年 一月任

文良濟 江安人十 年七月任

龔源 湖南人十年十一月任

涂克仁 眉山縣人十一年五月任

羅金元 南充人十一年十二月任

民國菸酒公賣分局長 四年設全川局次江津在第二十五區

婁伯旭 銅梁人四年十月任

黃景隆 湖南人五年八月任

吳光第 威遠人六年七月任

柳子俊 仁壽人七年三月任

萬章鑿 資陽人七年十月任

龐式德 興文人八年六月任

唐定章 永川人九年四月任

劉同匯 邑人九年六月任

黃裳 成都人九年十月任

陳杰 邑人十年一月任

周世英 新津人十年六月任

馬毓智 成都人十一年五月任

卞孟英 邑人十一年十二月任

江津縣志

卷六

官師

天

清勸業員 宣統元年設勸業分所

黃光霽 永川人元年十月任因案撤換

萬人傑 資中人二年四月任積勞致病卒於歸途

方煦 成都人三年一月任

民國實業所長 八年設

楊兆熙 邑人八年八月任

曹鍾濤 邑人九年四月任

羅世英 犍爲人九年十月任

李榮藻 邑人九年十二月任

陳味琴 邑人十年三月任

清警務長 光緒三十一年設

石振春 貴州人光緒三十一年十月任

鍾燦章 邑人光緒三十二年十一月任

江綦祿 邑人光緒三十三年八月任

邱繼瓊 成都人光緒三十四年九月任

楊錫藻 邑人宣統元年十月任

屈文煥 陝西人宣統二年九月任

民國警佐 二年沿清制設

楊德之 邑人二年十一月任

曾昭融 壑江人三年八月任

周樹棠 邑人四年五月任

馬義璧 巴縣人四年十月任

胡季遠 璧山人五年十月任

陳式銘 邑人六年九月任十月入城停辦

徐善 成都人十一年四月任 是年復辦

沙錦明 成都人十一年十月任

江津縣志

卷六

官師

五